

怡顏齋蘭品

下

番外書冊


		一七五〇	和書門
	二六	〇〇	
二冊	架函	號類	

庫文閣内			
一九七	一七九		和書
函架	〇〇		
冊架	號類		

動植物

内閣文庫	
番號	和 17500
冊數	2 (2)
函號	197 60

三四





怡顏齋蘭品卷下目錄

木蘭類

木蘭

玉蘭

林蘭

蘭華

金木蘭

木蘭類

馬蘭

蘭香

吉祥蘭

石蘭

芫蘭



竹葉蘭

蟾蜍蘭

野蘭

怡顏齋蘭品

目錄下



大蘭 支蘭

蘭根

有名未識類

葛蘭 瑞蘭 穗蘭

水晶蘭 紅蘭香 野蘭根

龍蘭 麥蘭 紅蘭花

桂蘭 幽澗蘭 道隄蘭

崇蘭 難火蘭 若木蘭

怡顏齋蘭品卷下

平安 松岡玄達成章 撰

男 典子勅

甲賀敬元尚之

門人 熊谷道詮慎憲 同校

今枝榮濟允明

木蘭類

木蘭

一名 林蘭 杜蘭 木蓮 生庭 胡文煥名物方言

和名 ヲ 渴辣辣伎

達按先儒以遏辣辣伎為蘭草誤矣。木蘭有紫
白二色。白者呼白木蓮。清潔雅澹。最佳品也。紫
者呼紫木蓮。品特劣。人不甚愛。白者與辛夷同
時而開。

本草綱目曰。蘇頌曰。蓋是桂中之一種。爾時珍曰。
木蘭枝葉俱疎。其花內白外紫。有四季開者。深山
生者尤大。可以為舟。按白居易集云。木蓮生巴峽
山谷間。民呼為黃心樹。大者高五六丈。涉冬不凋。
身如青楊。有白紋。葉如桂。而厚大無脊。花如蓮花。
香色艷膩。皆同。獨房蕊有異。四月初始開。二十日

即謝。不結實。此說木蘭也。其花有紅黃白數色。其
木賤細。而心黃。梓人所重。蘇頌所言韶州者。是牡
桂非木蘭也。或云。木蘭樹。雖去皮亦不死。羅願言。
其冬花實如小柿。甘美者恐不然。

達按東璧引白居易所詠玉蘭。以解木蓮誤矣。
木蘭自有二種。二月開者木蘭也。花有紫白二
色。其四月開者玉蘭也。種樹家呼大山蓮花。其
花白色。無紫花者。比木蓮花瓣正整。而淨瑩過
之。真花中之神仙也。接辛夷能活。以木蘭玉蘭
俱有木蓮之名。且木蘭常多。玉蘭常少。故人不

之察遂致混誤耳。古人所謂木蘭舟及桂櫂蘭
 槳皆指此也。劉禹錫竹枝詞江頭蜀客繫蘭橈。柳宗元詩騷人遙駐木蘭舟東坡
赤壁賦桂櫂兮蘭槳劉氏鴻書引述異記曰木蘭洲在潯陽江中多木蘭昔吳王闔閭植木蘭于此用構宮殿七里洲中有魯班刻木蘭舟至今在洲中詩家木蘭舟本此蓋蘭蕙皆香木芳草故詩人借以為贊美之辭非實以此造舟橈猶楚辭稱隱者衣曰芰荷衣芰荷豈可為服哉。

玉蘭

一名木蓮 黃心樹 白居易詩望春花天台山方外志
 和名大山蓮花

達按薛荔木芙蓉又名木蓮與此不同

汝南圃史曰玉蘭類木筆其樹高丈餘鎮江府志云玉蘭出馬跡山紫府觀其花表裏瑩白如玉其香如蘭不根而植不蓓而花生不擇地亦不常有開多在暮春遇者以為瑞

物理小識曰玉蘭即木蘭大理府志木蓮花樹高大花如蓮有青黃紅白四種白香山言忠州有木蓮花王元美謂即玉蘭智按玉蘭春初開木蓮四月花蓋亦有別

達按本邦木蘭有二種紫花為多白花次之

俱葉如柿葉而濶大。花如蓮花而瓣稍長。花莖類小浮屠。又如嫩松梢而長僅五六分。秋冬結蕾。有毛如筆頭。至明年二三月間開。花謝後自蒂中生葉。木皮薄而辛香。木心細而淡黃。一種有大山蓮花。形甚相類。花色瑩白如玉。艷麗尤優。真品中之最也。而花葉同時為異。今考諸家本草。以月桂之類論之。李東璧以巴峽木蓮為木蘭。以白辛夷為玉蘭。余檢諸州府志及諸書。木蘭木蓮玉蘭為一物明矣。夫木蓮以形名。玉蘭以色名。以辛夷為玉蘭者。以形似而誤混也。

辛夷花葉亦與木蘭相似。亦有紫白二種。唯比木蘭短小。而辛香過之。與木蘭並接易活。則木蘭之屬也。相如作賦列之。王維為塢植之。古人愛惜不減木蘭。余竊疑自古多以辛夷混木蘭者。以形相似故也。又按圃史云。木蘭冬間結莖。至二月盛開。花落自蒂中抽葉。昔人詩曰。更憐搖落後。綠蒂吐新芽。則與本邦所產者相合。而白香山云。巴峽木蓮高五六丈。涉冬不凋。身如青楊。而有白紋。葉如桂而厚大。無脊。花如蓮花。香色艷膩。皆同。獨房莖有異。是狀木蘭甚詳。

矣。但冬不凋為異。蓋巴地有不凋之木蘭耶。若夫嶺南。茄為大樹。南方沛竹作舟。氣候不齊。有如此。嗚呼。天地之大。不可窮也。

題木蓮樹類苑

木蓮樹。生巴峽山谷間。巴民亦呼為黃心樹。大者高五丈。涉冬不凋。身如青楊。有白文。葉如桂。厚大無脊。花如蓮。香色艷膩。皆同。獨房蓋有異。四月初始開。自開。迨謝。僅二十日。忠州西北十里。有鳴玉谿。生者穠茂尤異。元和十四年夏。命道士母元志寫惜其遐僻。因題三絕句云。

如折芙蓉栽旱地。似拋芍藥掛高枝。雲埋水隔無人識。唯有南賓太守知。

紅似臙脂膩如粉。傷心好物不須臾。山中風起無時節。明日重來得在無。

已愁花落荒岩底。復恨根生亂石間。幾度欲移移不得。天教拋擲在深山。

林蘭

一名卮木丹 越桃 鮮支 支子 薜蔔

禪友 黃香影子

和名 孤職捺識

達按。八閩通志。梔子有花開百葉者名水梔花。都人呼玉樓春。本邦俗呼哥孤職捺識木蘭。石斛又名林蘭與此不同。

本草綱目。卮酒器也。卮子象之故名。俗作梔。司馬相如賦云。鮮支黃燦。註云。鮮支即支子也。佛書稱其花為蒼蔔。謝靈運謂之林蘭。曾端伯呼為禪友。或曰。蒼蔔金色非卮子也。

輟耕錄藥譜曰。黃香影子。梔子也。

蘭華

一名連翹 連 異翹 旱蓮子 三廉 連軹

根名竹根 翹根

和名 連翹

達按。此有軟條硬條之二種。軟者名垂連堯。硬者名起連堯。

本草綱目曰。宗奭曰。其子折之片片相比如翹。應以此得名耳。時珍曰。按爾雅云。連異翹。則是本名。連又名異翹。人因合稱為連翹矣。連軹亦作連苕。即本經下品。翹根是也。旱蓮乃小翹。人以為鱧腸者。故同名。

金木蘭

和名 發馬婆鳥

福州府志曰。佛桑淡黃者。俗名金木蘭。

達按。金木蘭比佛桑花葉稍小。葉圓花黃為異。

冒蘭類

馬蘭

一名紫菊 野菊

和名 紺菊

本草綱目曰。藏器曰。馬蘭生澤傍。如澤蘭而氣臭。楚辭以惡草喻惡人。北人見其花呼為紫菊。以其似單瓣菊花而紫也。時珍曰。馬蘭湖澤卑濕處甚

多。二月生苗。赤莖白根。長葉有刺齒狀。似澤蘭。但不香。爾南人多采。洵晒乾為蔬。及饅餡。入夏高二三尺。開紫花。花罷有細子。楚辭無馬蘭之名。陳氏指為惡艸。何據。又曰。其葉似蘭而大。其花似菊而紫。故名。俗稱物之大者為馬也。

達按。時珍解馬字。頗近附會。此草葉比真蘭却小。非以其葉大故名之。馬者賤之之稱。猶馬蓼。馬勃。馬薊之類。凡物之不中用者。有馬牛猪狗之稱。亦猶本邦呼似蓼草曰犬蓼。毛建呼牛芹。其他如犬山椒。犬櫻。犬芋。麻牛。胡類之類。不

勝枚舉。又按正字通曰。淮南子。西家子謂其母曰姐。齊人謂母曰孀。又曰孃。吳人曰媒。方音不同。皆自母而變。魚有馬黃。蜚有馬蜚。薊有馬薊。皆其類之特大者。馬蓋母之譌也。俗遂作媽姥。此說似有理。然實牽強。非古人所以命馬之正意也。而形大者固有稱馬者。大蟻謂之馬螳。大蟬謂之馬蜩。大蛭謂之馬蜺。是也。然又如馬陸。馬蚱。馬薊。馬芹。非形大者。然則此非通論也。劉蒙菊譜。名蘭草為紫菊。與此同名。

嘉興縣志曰。馬蘭頭。嫩苗謂之頭可作菜食。秋間花如

菊。藕色可愛。又名野菊。

蘭香

一名羅勒 朝膊香 香菜 醫子草 西王母

菜

和名 眼帚子

達按。凡方中蘭香即是也。不當混古之蘭也。三月下種。生出後於諸草嫩時摘為菜食。其實治目醫實。外皮得濕則膨脹粘滑。取入眼中能粘纏塵垢而出。故名醫子。艸畧與薄荷同功。又洪芻香譜所載蘭香。即指古之蘭也。

齊民要術曰。蘭香者羅勒也。中國為石勒諱。故改今人因以名焉。且蘭香之目。美於羅勒之名。故即而用之。韋弘賦叙曰。羅勒者。生崑崙之丘。出西蠻之俗。案今世大葉而浥者。名朝膊香矣。

本草綱目。按鄴中記云。石虎諱言勒。改羅勒為香菜。今俗人呼為醫子草。以其子治醫也。弘景曰。俗呼為西王母菜。食之益人。

吉祥蘭

一名吉祥草 觀音草

和名

藪剪刀

觀音草

關羽草

關羽乃觀音之音轉也。

達按此物最難著花。根好露出地上。不頻頻掩土。壅根則瘦瘁不著花。性喜陰地。不宜乾燥。其花外紫內白。似瑞香花樣。其實生青熟紫赤。古人云。此草若着花結實。則其家有慶事。言其難著花也。損軒花譜以無花實為非吉祥草。疎也。福州府志曰。有吉祥蘭。花紫。皆異種。

本草綱目。吉祥草。今人種一種草。葉如漳蘭。四時青翠。夏開紫花。成穗易繁。亦名吉祥草。非此吉祥草也。

達按。緇若水曰。吉祥草。本草拾遺謂。主明目。強

記補心力者是也。綱目疑為非此誤矣。

汝南圃史曰。吉祥草似萱而小。四時蒼翠不凋。九月開小花。內白外紫。如瑞香。邵武志云。吉祥草生泉石中。馬志謂葉如鹿葱而小。然此草微有莖葉。皆附莖而生。非如鹿葱葉出於地也。考本草亦有此名。謂其味甘溫無毒。主明目。強記補心力。生西國。胡人移來。第未知即此否。西湖遊覽志云。吉祥草。蒼翠如建蘭。而無花。不藉土。自活。涉冬不枯。性極喜濕。今人多植瓷盎。置几案間。日無缺水。則葉茂益鮮。我不擇時。若亂植土中。不見其趣。

福清志續略曰。吉祥草。西國僧將來也。味甘溫無毒。主明目。強記補心力。其葉如蘭。四時青翠。夏開紫花。成穗可愛。

高濂艸花譜曰。吉祥草易生。不拘水土。中石上俱可種。惟得水為佳。用以伴孤石。靈芝清甚。花紫蓓生。然不易發。如家居種之。有花似云吉祥。

天台方外志曰。觀音草。生山岩中。以盆盛清水。沙石植之。則青著。泥則萎。夏赤城詩云。西來小草異。高蓬天地生。特別有工。怪見著根泥土上。只須水石養青藜。

石蘭

一名 石葦 石韃 石皮

和名 一葉 ヒトツバ 唐一葉 カラヒトツバ

達按。石蘭與萱艸同名。

又按。石葦一莖一葉。葉如柳葉而厚。長六七寸。大者尺許。背有黃毛。根連茹如蔓。俗呼唐一葉。又有葉薄而背有金星者。柳葉者。杏葉者。歧葉者。俱俗呼一葉。即金星草也。一種葉狹小而厚。背有金星。古瓦屋上。或樹間陰翳處多生之。俗呼擔矢那虎。即瓦葦也。乃一類而數種。又有金

雞脚。藥性要畧云。金雞脚。即金星艸之別種也。治癰腫熱毒。及婦人乳癰。味甘香。氣寒。無毒。生石上。一莖二三。形如雞脚。故名。其氣與辟汗香相似。

本草綱目曰。恭曰。此物叢生石傍陰處。亦不作蔓。其生古瓦屋上者。名瓦葦。頌曰。今晉絳滌海福州江寧皆有之。叢生石上。葉如柳。背有毛。而斑點如皮。福州別有一種石皮。二月有花。采作浴湯。治風時珍曰。多生陰崖險罅處。其葉長者近尺。濶寸餘。柔靱如皮。背有黃毛。亦有金星者。名金星草。並凌

冬不凋。又一種如杏葉者。亦生石上。其性相同。又曰。弘景曰。蔓延石上。生葉如皮。故名石韋。時珍曰。柔皮曰韋。韋亦皮也。

石蘭

通雅曰。石韋曰石蘭。

一名 蘿摩 藿 白環藤 羊婆奶 雞腸

薰桑 羊角菜 羊妳科 合鉢兒 婆婆針扎

兒 細絲藤 過路黃 雀瓢 斫合子 婆婆

鍼線包 婆婆鍼袋兒

和名 溘溘芋 石溘芋 蜻蜓乳 實名角錐

達按詩。衛風。芄蘭之支。即此也。羊婆奶。與竹葉

蘭同名。

陸璣草木疏曰。蘿摩。一名芄蘭。幽州謂之雀瓢。然

雀瓢是女青。別名也。蘿摩。葉似女青。故亦名雀瓢。

本草綱目曰。藏器曰。漢高帝用子。傳軍士。金瘡。故

名斫合子。時珍曰。白環。即芄字之訛也。其實嫩時

有漿。裂時如瓢。故有雀瓢。羊婆奶之稱。其中一子。

有一條白絨。長二寸許。故俗呼婆婆鍼線包。又名

婆婆鍼袋兒也。藏器曰。斫合子。一名雞腸。一名薰

桑。時珍曰。斫合子。即蘿摩子也。

救荒本草曰。羊角菜。又名羊孀料。亦名合鉢兒。俗名婆婆針扎兒。又名細絲藤。一名過路黃。

竹葉蘭

一名沙參。白參。知母。羊婆奶。鈴兒艸。

羊乳。虎鬚。苦心。文希。識美。志取。地

黃

和名。秃秃吉。咨釐葛聶。

農圃六書曰。竹葉蘭。一名鈴兒艸。花如鋼鈴。隨地有之。

本草綱目。沙參。白色。宜於沙地。故名。其根多白汁。

俚人呼為羊婆奶。別錄有名。未用羊乳。即此也。此物無心。味淡。而別錄一名苦心。又與知母同名。不知所謂也。鈴兒草。象花形也。藏器曰。羊乳根如薺。芫而圓。大小如拳。上有角節。折之有白汁。人取根。當薺芫。苗作蔓。折之有白汁。

達按。羊乳根。苗作蔓。此非沙參。貝原損軒翁。以充蔓人參為是。亦沙參之種也。

蟾蜍蘭

一名芴甄。天名精。麥白薑。豕首。豕首與紫蘭同名

豨首。坐松。蝦蟇藍。地菘。活鹿艸。劉愷。

艸 蚶蚶艸 皺面艸 母豬芥 天蕪菁

地葱 鶴虱 杜牛膝 以上出離合艸

和名 藪煙草 伊挪識釐

達按此物易生易繁田野荒圃皆有之傳金瘡
止血兼治毒虫螫傷搗生葉傅之立愈又采葉
陰乾為末亦妙甚利于人

本草綱目曰實名鶴虱根名杜牛膝恭曰天名精
即活鹿艸也別錄一名天蔓菁南人名為地松葉
與蔓菁松菜相類故有此名其味甘辛故有薑稱
狀如藍而蝦蟇好居其下故名蝦蟇藍香氣似蘭

故又名蟾蜍蘭時珍曰天名精乃天蔓菁之訛也
其氣如豕彘故有豕首彘顛之名昔人謂之活鹿
草俗人因其氣臊訛為狐狸臊者是也爾雅云列
甄豕首也郭璞注云江東呼為豨首可以燭蠹蝨
陳藏器曰郭璞注爾雅遠麥云即麥句薑者非也
陶公注釣樟條云有一草似狼牙氣辛臭名為地
菘人呼為劉愷艸主金瘡按異苑云宋元嘉中青
州劉愷射一麋剖五臟以此草塞之蹶然而起愷
恠而拔草便倒如此二度愷因密錄此草種之主
折傷愈多人因以名之既有活鹿之名雅與麋事

相合。陶蘇俱說是地菘。定非二物。保昇曰。小品方名天蔓菁。又名天蕪精。時珍曰。按孫天仁集效方云。鶴虱草。一名皺面草。一名母豬芥。一名杜牛膝。朱端章集驗方云。俗人訛為地葱。典籍便覽曰。鹿活草。又呼劉愷艸。離合艸。破鹿腹出五臟。以此草塞之。則起。去之復倒。出終南山。

野蘭

一名 漏蘆

達按。漏蘆有數種。余曾著之說。一家言載之詳矣。

本草綱目。屋之西北黑處謂之漏。凡物黑色謂之盧。此艸秋後即黑。異於眾艸。故有漏盧之稱。

大蘭

一名 瞿麥 蘧麥 巨句麥 大菊 石竹

南天竺艸 茈萋 洛陽花 聖龍鬆 錦竹

和名 捺埵識哥

本草綱目曰。弘景曰。子頗似麥。故名瞿麥。時珍曰。按陸佃解韓詩外傳云。生于兩傍謂之瞿。此麥之穗。傍生故也。爾雅作蘧。有渠衢。一音。日華本草云。一名燕麥。一名杜姥草。者誤矣。頌曰。爾雅謂之大

菊廣雅謂之此菜是也時珍曰人家栽者花稍小
而嫵媚有細白粉紅紫赤斑爛數色俗呼為洛陽
花。

輟耕錄藥譜曰聖龍鬚瞿麥也

汝南園史曰石竹草品莖如細竹枝葉如茗其花

紫色類翦碎者李太白詩有石竹繡羅衣之句叢

生高尺許五月開花冬間分栽八閩通志云錦竹

一名石竹俗呼天南竹今人誤為石菊別有洛陽

花又名瞿麥與石竹葉相類開亦同時但石竹千

葉洛陽單葉石竹葉青翠花艷麗洛陽較之稍劣

石竹結細黑子子少洛陽亦結細黑子子多此其
辨也。

達按此種甚多有紅者白者紫者粉紅者纈量

者錦竹一名石竹一名天南竹一名石菊俗呼

為阿蘭陀石竹有單葉重葉二種洛陽花俗呼

內野捺埕識哥一名禿哥捺仔比瞿麥稍小頗

有韻瞿麥俗呼川原捺埕識哥入藥須用野生

者俗傳阿蘭陀石竹有毒未知然否

支蘭

- 一名 狼牙
- 牙子
- 狼齒
- 狼子
- 犬牙
- 抱

牙以上綱目

和名 大根草 草萊腹

達按。大根草。有大葉小葉二種。俱治痘瘡熱毒甚者為妙。

本草綱目。弘景曰。其牙似獸之齒牙。故有諸名。保昇曰。所在有之。苗似蛇莓而厚大。深綠色。根黑若獸之牙。二月八月采。根日乾。

蘭根

一名 白茅 茹根 地筋 茅針 絲茅

兼杜 茅錐

和名 質曷夏 花名仔發拿

本草綱目曰。根名茹根。蘭根地筋。茅葉如矛。故謂之茅。其根牽連。故謂之茹。易曰。拔茅連茹。是也。有數種。夏花者為茅。秋花者為菅。頌曰。春生茅布地。如針。俗謂之茅針。亦可噉。甚益小兒。時珍曰。白茅短小。三四月開。白花。呼絲茅。可以苫蓋。及供祭祀。苞苴之用。

達按。此方中所載茅根也。兼杜。白茅之一名。茅錐。即茅針。諸名。證類本草。收之。本草綱目。脫之。其秋花者為菅。俗名葛鴉。

有名未識類

葛蘭

明一統志思安府下出之而不見狀。達謂葛蘭自是二物，蓋誤寫為一耳。

瑞蘭

興化府志曰：樹略似桂，九月開花。

穗蘭

穗蘭出于葉繼熙臨桂雜識，亦不見狀。蓋乃瑞蘭之音轉也。

水晶蘭

物理小識：王元美云：高山生水晶蘭，獨枝白瑩，乃白芝也。

紅蘭香

任昉述異記曰：紫述香一名紅蘭香，一名金桂香。亦名麝香艸，出蒼梧桂林上郡界。今吳中有麝香艸，香似紅藍而甚芳香。

野蘭根

本草綱目：崖櫻附錄出之，亦不見狀。

龍蘭

廣東通志花有龍蘭。

麥蘭

雲南通志菜部出之而不見狀。

紅蘭花

任昉述異記曰紅蘭花一名大草。

桂蘭

元薩天錫有詩曰花浦煙叢困草萊靈根從此謝
培栽移將楚畹十年恨付與春風一縷開湘女久
無塵土夢泉均元是棟梁材午牕試讀離騷罷却
怪國香天上來達審詩意似謂風蘭亦以曰付與

春風開曰棟梁材觀之則似別指一物故姑記俟
識者。

幽澗蘭

八閩通志興化府下草部出之云鼠網山谷謂之

幽澗蘭佛書曰兜率香

道隄蘭

樊深河間府志深曰予昔與山右醫者遊於郡城
之北偶指一草示予曰此道隄蘭也可治勞瘵試
之果有奇効。

崇蘭

宋陸游劔南詩藁嘉陽有崇蘭以八九月盛開
難火蘭

本草綱目。兔絲子附錄。難火蘭。生巴中胡國。狀似
兔絲子而微長。

若木蘭

華夷珍玩考曰。若木蘭石也。紅黑黃不正之色。塊
雖大石至低者。

達按此石而非草本木本也。以有蘭名故附于
此耳。

右蘭類若干種。有木本草本之別。而其中又有真

有假。徧稽蘭譜及朱子楚辭辨證。本草綱目。釋官
小說。而辨究折衷。區分條列。釐成一書。題曰蘭品。
淺見寡聞。攷求不博。唯恐多掛漏。姑錄以備攷索
之資云。

正德壬辰五月下浣平安松岡玄達成章識

怡顏齋蘭品卷下終

竹彦子良占
卷一


七

Blank lined writing area with faint ghosting of text.

子
良

子

良





蘭艸

平安

佐伯博圖

本草

朝散大夫紀正邦書





澤蘭



山蘭

春蘭



蘭花





仙人指甲蘭



風蘭

真珠蘭



杜蘭



箬蘭



珍珠蘭





儼蘭



烟蘭



石蘭



紫蘭

玉蘭



木蘭





蘭華

木蘭



林蘭

玉蘭

九



馬蘭




金木蘭

吉祥蘭



蘭香





苧蘭



千葉石蘭

蟾蜍蘭



竹葉蘭





支蘭



大蘭

蘭根



題蘭品後

恕庵先生以講學為自任。以修
 業為自責。真旁注。意於品。垂。蠅。早。木
 之。學。或。入。名。山。大。澤。親。採。以。究
 為。群。藉。之。精。蘊。百。家。之。異。指。毫
 分。縷。析。和。漢。之。稱。呼。方。土。之。異
 種。考。訂。探。索。勒。成。一。家。之。言。所

著居多也。頃蘭品之書成。而欲
梓以公于世。凡蘭之品類。及真
偽條。辨明若數一二焉。嗚呼。
蒙也。會蒙先生之知己。以得已
之名。正其蘭之幸哉。其血之幸。為
物也。以采麗之体。而吐芬馥之
用。是以古之至賈。及瓊偉博物

之士。皆借之以述幽情。采味功
能。尤任於有用。其可紐藉膏浴。
焚以辟不祥。或殺蟲毒。實功用
之大者也。此書一出。千古之惑。
脫然得醒。則其幸不特於茶而已。
可謂幸於世也。萬浴先生之德。
蓋數十年於此。今雖在草莽之

鄙竊悅其有來。因書其後云。

延享丙寅春二月望日

門人近江奥田萬九統謹撰

...



...

享保十三年戊申三月

官許印行

明和九年壬辰六月發行

寺町姊小路北

平安書肆

佐々木總四郎

